



**AGIH BENDERA ... D Kamarudin mengagihkan bendera kepada warga kampus**

## UMS edar 1,000 Jalur Gemilang, bendera Sabah

NST 30.8.2017 3

KOTA KINABALU: Universiti Malaysia Sabah (UMS) mengedarkan lebih 1,000 Jalur Gemilang dan bendera Sabah kepada warga kampus dalam satu Program Semarak Merdeka sempena sambutan Hari Kebangsaan 2017.

Program itu disempurnakan Naib Canselor UMS, Profesor Dr. D Kamarudin D Mudin di Pintu Utama UMS bermula pukul 4.30 petang, pada Isnin.

Pada tahun ini, sebanyak 11 buah kenderaan Kelab Suka-relawan Pacuan Empat Roda UMS terlibat membawa dan mengibarkan bendera selama sebulan di sekitar bandaraya Kota Kinabalu.

Turut hadir pada program itu, Timbalan Naib Canselor (Penyelidikan dan Inovasi), Profesor Dr. Shahril Yusof; Timbalan Naib Canselor (Hal Ehwal Pelajar dan Alumni), Prof. Dr. Ismail Ali; Pendaftar UMS, No'man Datuk Hj. Ahmad dan Ketua Pustakawan UMS, Dayang Rukiah Ag. Amit.

Seperti tahun sebelumnya, UMS mula mengibarkan Jalur Gemilang dan Bendera Negeri Sabah pada 1 Ogos di semua bangunan dalam kampus sebagai usaha menyemai dan menyubur semangat patriotisme sekali gus menyemarakkan lagi sambutan Hari Kebangsaan. - **OLEH MARRYAN RAZAN**